



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt I. Liberari à diabolo eos qui regenerantur in Christo.

[urn:nbn:de:hbz:466:1-46059](#)

CAPUT I.

Liberari à diabolo eos qui regenerantur in Christo.



LIBERTATEM igitur à peccato, de quo libro superiore dictum est, comitatur libertatis pars altera, ut à diabolo quoque liberis simus. Cùm enim ille nos per peccatum seruos haberet; simularque à peccatis liberati, servitutis effecti sumus, sub illius esse potestate delijimus usqueadèò ut nec illud carnis nostre, quod adhuc concupiscentiae subiacet, sub diabolo captiuum teneatur, propter factam peccati remissionem, qua non imputatur id quod lex peccati propriè nuncupatur. Idcirco beatus Apostolus; cùm hanc libertatem commédat, in Epistola ad Collossenses capite primo dixisset: Qui eripuit nos de potestate tenebrarum, & transluxit regnum Filij dilectionis suæ: pro tanti boni causa subinxit, In quo Filio habemus redēptionem & remissionem peccatorum. Etenim morte sua Christus unverissimo sacrificio Deo Patri pro nobis oblato, quid erat culparum, unde nos principatus & potestates ad lucenda supplicia iure detinebant, purgavit, absolvit, extinxit; & sua resurrectione in nouam vitam nos prædestinatos vocauit, vocatos iustificavit, iustificatos glorificauit. istoque modo diabolus, hominem, quem per consensionem seductum tanquam iure integrō possidebat, cuique tanquam pannoso & æruginoso, nulla ipse carnis infirmitate septus, superbo dominabatur imperio, in ipsa morte carnis amisit. Natura quidem fortior, id est, angelica, inferiorem naturam humanam vitij societate subditam detinebat: sed mediator angelis fortior, infirmus propter homines factus, prædonis superbiam redēptionis humiliare destruxit: ut qui super filios hominis angelica fortitudine gloriabatur, à Filio Dei suscepta humana infirmitate,

mitate, illosus vinceretur. Sed cùm adhuc multos sub
diaboli potestate agere nō ignoremus, quibus ad hanc
libertatem nihil hactenus Christi mors contulisse vi-
deatur; intelligendum est, eum qui semel mortuus est
ad multorum exhauriēda peccata, vnicuique tum pri-
mum mori, cùm in eius morte, qualibet fuerit aetate,
baptizatur. Hæc enim cuique propriè dies est redem-
ptionis, de qua loquitur beatus Apostolus, cùm ait:
Nolite contristare Spiritū sanctum Dei, in quo signati
estis in die redemptionis. Ideoque nemo priùs de po-
testate tenebrarum eripitur, quām in Christi nomine
baptizatus, veterē hominē exuerit, nouūque induerit,
qui secundūm Deum creatus est, in iustitia & sanctitate
veritatis, vtq. Ægyptiorū primogenita ab angelo per-
cussore necabatur, Israēlitarū liberis per agni sanguinem
conseruatis: ita in quibus inuenit diabolus quod
prima natuitate cōtractum est, id est, originale pecca-
tum, in quo inest omniū nascētiū infelix quædā pri-
mogenitura; hos, nīsi Dei gratia libertētut, tanquā suos
ad mortem pertrahit, damnationemque communem.
Qui verò, cùm essent in eo primūm peccato concepti
& editi, postea sunt Dei beneficio regenerati; de qui-
bus scriptum est, Qui non ex sanguinibus, neque ex
voluntate carnis, neque ex voluntate viri, sed ex Deo
nati sunt; & Voluntariè genuit nos verbo veritatis, vt
simus initium aliquod creaturæ eius: hi à diaboli quo-
que dominatione & potestate purgati sunt, qui non
solum antea cōercetur ne regenerationem impeditat,
sed etiam per regenerationē postea ex hominum cor-
dibus ejicitur; ne iam eos, tanquam vala sua, & qualū
mancipia, veteri illo suo iure & more possideat. Hi de-
mum; Agni immaculati sanguine postibus eorum illi-
tis, id est, crucis signo frontibus signatis, à perditione
huius seculi tanquam à captiuitate vel interemptione
Ægyptia liberantur; aguntque saluberrimū transitum,

cùm

cum a diabolo transeunt ad Christum, & ab hoc in stabili seculo, ad eius fundatissimum regnum, & ab operibus luti & lateris, in quibus terrenis desideriis seruientes, multum & infeliciter laborabant, ad suauem Christi iugum, opesque iustitiae, omni argento & auro & lapide preciosiores. Quamuis igitur, quod ad magnitudinem & potentiam pretij, ut Prosper ait, & a vnam pertinet causam generis humani, languis Christi redemptio totius sit mundi: quia tamen a redemptione constat alienos esse, neque de captiuitate & servitute sua erutos, qui hoc seculum sine fide Christi, & sine regenerationis sacramento pertranserunt; colliguntur redemptionis proprietate, libertatisque veritatem penes eos esse, de quibus princeps huius mundi missus est foras, & non iam vasa diaboli, sed membra sunt Christi. Quod proinde circa baptizandos in universo mundo sancta Ecclesia consilialiter agit, non otiosus nobis est intuitu contemplandum. ubi, siue parvuli siue iuvenes, cum ad regenerationis ducuntur sacramentum, non prius vita fontem adire sinuntur, quam exorcismis & exsufflationibus clericorum, spiritus aliijs immundus abigatur: ut tunc vere appareat, quomodo princeps mundi huius mittatur foras; priusque alligetur fortis, & deinceps vasa eius diripiantur, in possessionem translatae victoris, qui captiuam dicit captiuitatem, & dat dona hominibus. De potestate namque tenebrarum, cui per illius primi hominis ruinam subiectum est hominum genus, non adulti modo, verum etiam reuera parvuli eruuntur, cum regenerantur in Christo: tametsi id non appareat in eorum arbitrio liberato, nisi cum ad annos peruerenter ratione venturam aetatem, tum primum re ipsa demonstrantes consentientem doctrinam salutari, in qua nutriti sunt, voluntatem & in ea finientes hanc vitam, si electi sunt in Christo ante constitutionem mundi, ut essent sat. & immaculati.

*Obedio pri-
ma in Utin-
centianis.*

Math. 12.

Ephes. 4.

culati in conspectu eius in charitate. Hæc quidem potestas tenebrarum, id est, diabolus, qui etiam dicitur princeps potestatis aëris, operatur seu efficax est in filiis dissidentiæ. & quid operatur, nisi opera sua mala, & in primis maximeque ipsam dissidentiam & infidelitatem, qua sunt inimici fidei? per quam scit eos posse mudari, posse sanari, posse perfectissimè liberos (quod eis vehementer inuidet) in æternam vitam regenerari? Sed ipse mediator intrans in domum fortis, id est, in hoc seculum mortaliū, sub potestate diaboli, quātum ad ipsum pertinet, constitutum; de ipso quippe scriptum est, quod potestatem habeat mortis. intrat, inquam, mediator hic in domum fortis, id est in suo dominatu habentis genus humanum: & prius alligatum, hoc est, eius coercet ac cohabet potestatem, potestatis suæ fortioribus vinculis. Deinde vniuersa eius auferat arma, in quibus confidebat; sicut apud Lucam expressum est, hoc est, errores & peccata: atque hoc pacto eripit vasalia eius quæcunque prædestinavit eripere; id est, homines quos ille veneno suo repleuerat, ac propter medullitus inhærentē iniquitatis amorem, longa & alta pace tenuerat: arbitrium eorum ab eius potestate liberans, ut, illo non impediente, credant in istum libera voluntate: credentes autem inuocent liberatorem, qui dat potestatem filios Dei fieri, his qui credunt in nomine eius.

CAPUT II.

Regeneratos in Christo ita effici filios Dei, ut non remaneant aliqua ex parte filij diaboli.

FILII autem effecti Dei, eius deinceps spiritu aguntur, ut bene viuant; omninoque in diaboli potestate esse desistunt: nec eius amplius filij dici possunt, cuius imitationem atque similitudinem respuere. Falseque Pelagiani calumniabantur dicere Catholicos, qui

*Vide Aug.
epist. 107.*

LUCAS II.